


黎城縣續志



序

黎在晉最爾邑也然踞太行之脊扼青齊之關襟帶二漳橫連三魏言形勝者所必及也商書六篇伏傳錢者式微旄邱錄於國風略土立侯詳於左氏見記載者又最先也方乘之作宜倣自古而自隋氏與瀕城始別爲縣自前明中葉縣人靳惟精始纂城縣續志

卷之二 序

輯爲志閱百有餘年至

國朝康熙壬戌縣令竟陵程公與鄉先生李若膺昆季重加纂輯其時新志已燬於兵燹不可得見今所傳者獨是志存其書以地理政事人物藝文爲四綱括四十目號爲簡明而缺於賡續者二百年矣夫山川形勢終古不遷制度人物隨時有異往古



誠難備徵而顧令耳目所及亦聽其沈湮
甚非達政治閭閻微之義也余始莅縣縣
人多以續脩請遂謝未遑於茲五載會纂
輯通志奉檄採訪乃集文士相與稽古籍
搜故牘益以見聞從事考訂草藁未就而
余適量移永濟遂依程志體例略爲排比
而摘其有關考證者別爲補遺糾謬附錄

諸篇儷諸簡末都爲四卷名曰續志不復
彙爲一書別定義法者從黎人志也程公
賢令黎之人思其澤不欲沒其文而又重
余之行冀得速於藏事於此見風氣之厚
爲近古也獨念余之書雖續也未能半益
於舊而所補正者或且過焉則以網羅新
聞難於爲力鑽研故紙易於見功余自顧

不能爲其難姑以是荻荻附諸不作之義
未竟之緒竊有望於來哲序之以貽黎人
必有以余言爲徵信者

光緒庚辰四月北平鄭澗

余宰黎城蓋後禹奔侍御及二百年云侍御爲余宗又皆楚人其在黎多惠政民思之久而不衰黎志四卷所創撰也余曩讀兩漢循吏傳常歎龔黃有政績無文學文翁任延敦尚禮教彬彬稱盛而著述無聞雖其時風氣樸古爲政惟視力行而經術緣飾吏治史每舉爲美談蓋文章政事兼

之者爲難也方乘之作幾於充棟操觚者莫不思信今傳後垂之無窮而或未久卽爲人竄易或易世而書已沈湮黎人於侍御乃獨惓惓手澤有思人愛樹之意焉是可感也余旣莅縣值前令鄭君鼎安方奉憲檄集議重修未及卒業授橐於余余讀之則第賡續原書於近事以類比屬而不

變其例於古事別爲考訂而不沒其文從
黎人志也夫椎輪始造有待增華積薪後
來難禁居上侍御之草創斯志固未嘗不
殷殷以理端推緒望之後人而相距二百
年至鄭君而始承其會至余而乃觀厥成
而又以鄉郡後進同譜支裔忝承虛乏從
事討論殆有非偶然者乃稍爲增益重加

繕釐言念舊章資爲前鑑所以志黎者在
是所以治黎者亦不外是書其緣起以自
策勵蓋非有所私也光緒辛巳正月既望
署知縣程以敬序

黎城縣續志序

光緒九年歲在癸未夏六月予由節府幕僚出宰黎陽蒞官之逾月邑人士拔萃科段生等以楊教授所纂黎城續志藁見商並請序之予略加刪訂更取舊志參考數過釋卷而歎曰邑之有志所以志一方之興廢得失風土人物以資攷鏡而藉以布政施化者也黎自商代侯封降而爲亭爲縣歷數千年於茲其中地方興衰政治得失風俗淳漓人物消長凡一切變更適易之故不知其凡幾乃攷舊志所載自明

黎城縣續志

卷之一序

六

中葉邑人靳惟精始爲志其書久已散佚無存閱百有餘年邑宰竟陵程君與邑人李吉弟昆搜羅散失由他書補遺拾闕編成書又二百年今乃續之僅四卷故實亦甚寥寥其存什一於千百往事之可載可紀而閭沕無傳者可勝道哉夫天以日月星辰煥其文地以山川草木蔚其秀龍之神也以雲虎之威也以風人之文也以言學人君子以附聖賢而聲施後世名譽益彰物之不能無所憑以自顯於世大抵然矣天下名勝之區如岱宗嵩室爲古帝王封禪告

成之所聲震今古無論已他若匡廬雁宕天姥赤城
無愚智莫不延頸跂踵以未得躬歷其境爲終身恨
事詎獨有以異乎他哉殆亦皆高人韻士登臨歌嘯
鋪張粉飾之所由然也予昔讀古人之文至昌黎於
陽山送區册序於潮與大顛師書及柳州愚溪詩序
西山鈞鉅潭諸記而慨古今人物之遭逢幸不幸不
特賢聖豪傑爲然卽一邱一壑亦莫不皆然夫以區
册大顛之僻處海南無大材能得昌黎之來窮愁潦
倒負焉無儔偶遺訪一談其名遂與其文並傳千古
黎城縣續志

卷之一

序

七

柳州遠在蠻荒使非子厚以罪謫此雖有佳山水亦
終蒙翳沉汚於草澤之中永不見天日誰復知其可
詠可歌哉而至今讀其文者猶爲想像神馳於千萬
里外斯地也斯人也抑何幸也黎雖最爾邑其水深
山秀志所謂勝境佳地者予未能遍歷然嘗登署之
樓而曠瞻遐矚當其晨光露瑞翠微一點縹緲出沒
於雲表者白巖曉煙也羣鳥亂飛夕陽將墜一峰插
天極目無際者金牙夕照也予嘗禱雨而至嵐山蒼
松蔽日風聲水聲颯颯滿耳儵然有出塵欲仙之意

逾東陽關而東行連峰疊嶂鎖鑰巖巖疆氣勢雄
壯慨然想見表裏河山之雄其志之所列人物漢有
馮泰世銜命萬里斬莎車王頭威震絕域野王弟昆
治行卓著民歌大小馮君地雖僻陋夫豈乏異人傑
士哉自漢以後迄今數千年落落無聞蓋簡編之闕
軼者多矣近代如明李養裕之血戰禦賊李養志之
誓死完節國初則李金漳之品學文章偉然大儒
靳綠溪之才華爾雅著吳詩集覽名重一時即其志
之所列亦皆卓卓可道予今訪其子孫半皆淪落著

作更散失莫傳若窮巷深谷孤行自高之士無人表
揚而汶汶與草木同腐者更不知其幾何矣嗟夫使
黎而昌黎柳州其人者至此而盤桓詠歌作興提唱
安見其山水之佳勝不名於天下而巖穴之士不足
與區生大顛輩共垂不朽哉且黎之境危峰矗嶺仄
徑羊腸據太行之頂爲上黨之要邑東陽關乃豫直
入晉之門戶譚兵者每抵掌而言曰天下有事守土
黨以踞太行之脊扼天下之中西臨關中南通京洛
北達河朔諸郡形勝之地莫逾於此故西伯戡黎

伊奔告南北五代之際羣雄並逐此地爲爭戰之場
方今四方多故若黎者尤爲三晉東鄙之衝而留心
時局者之所宜豫籌布置者也則夫志之詳所宜詳
而不可苟焉者更若何其鄭且重耶乃自漢以迄於
今數千年而志僅數冊又多闕焉不備此予之所以
釋卷而歎也自慚才薄案牘紛紜欲爲之詳考故實
增益以全其書既苦日不暇給頃又奉升授甯遠之
命行期伊邇更覺僕僕未遑姑叙其大概以待後之
能者並以告夫黎人士曰予聞深山大澤實生龍蛇
黎城縣續志

卷之一序

九

人傑斯地靈其各奮志有爲講求經濟實學出而上
佐

國家勛業下爲邦邑生色志乘增光若予者蒞此數
月德涼行鮮無能爲爾多士作興提唱以冀古人之
萬一自媿多矣

誥授奉政大夫賞戴花翎升授甯遠撫民理事直隸
廳通判在任候補直隸州知州正任榆社縣知縣
調署黎城縣事海上葛士達謹撰

黎城縣續志

目錄

卷一

序

纂修姓氏

圖

表

地理志

疆域

城池

兵防附

山川

村落附

古蹟

墳墓園林附

黎城縣續志

卷之一 目錄

政事志

戶口

田賦

鹽法附

職官

公署

學校

祠祀

寺觀

紀事

卷二

人物志

選舉

進士武科

舉人仕宦

貢生封贈

薦辟

名宦

名賢

孝義

義行附

文苑

材能

流寓

方技

仙釋

列女

卷三

藝文志

詩

賦

傳

碑記

墓誌

卷四

補遺

沿革
寺觀

山川
紀事

古蹟
名賢

物產
流寓

鄉宦
列女

祠祀
藝文

山川

古蹟

糾謨

沿革
紀事

城池
名賢

忠節

流寓

附錄

書目
碑目

黎城縣續志

卷之一

目錄

纂修姓氏

總纂

運同銜即補直隸州黎城縣知縣調補永濟縣知縣鄭灝
同知銜特用直隸州署黎城縣知縣程以敬
同知銜候選直隸州賞戴花翎黎城縣知縣董慶咸
即補直隸州奏升寧遠直隸撫民理事廳正任榆社縣調署黎城縣知縣葛士達

纂修

前 潞 安 府 學 教 授楊恩樹

監修

黎城縣續志

卷之一 姓氏

十二

黎 城 縣 復 設 教 諭柴天植

知縣用候選縣丞黎城縣典史洪恩錫

襄修

候選教諭光緒乙亥恩科舉人范亞魁

候選直隸州州判同治癸酉科拔貢段鎮

採訪

候 選 教 諭 恩 貢 生丁 昭

候 選 教 諭 恩 貢 生高世泰

候 選 訓 導 廩 貢 生王永昌

候選訓導 歲貢 生王源

候選訓導 廩 生李壽椿

廩 膳生 員高奇

廩 膳生 員王東賜

廩 膳生 員唐傑

武 生王瑋

校對

候選巡檢 附貢 生高金臺

增 生高麟臺


黎城縣續志 卷之一 姓氏 十三

附 生唐倍

縣境全圖

黎城縣續志 卷之一 圖

十四




黎城縣續志

卷之一

圖

十五



地表



朝代	地名	年月	置
商	黎國		屬畿內
周	黎國		
	壺口	春秋時	屬晉
漢	潞縣地		屬上黨郡
後漢	潞縣地		屬上黨郡
黎城縣續志	卷之一	地表	六
晉	潞縣地		屬上黨郡
		惠帝末	并州刺史 <small>寄治在今臺壁</small>
後魏	刈陵	真君十一年	置
		建義元年	屬襄垣郡
隋	刈陵		
	黎城	開皇十八年	置屬上黨郡
唐	黎城	武德元年	屬韓州
		貞觀十七年	屬潞州
	黎亭	天祐二年	改

	宋	黎城	熙寧五年	省
	金	黎城	元祐元年	復置
	元	黎城	貞祐三年	改屬崇州 <small>今涉縣</small>
	明	黎城	至元二年	復屬潞州
	國朝	黎城	嘉靖八年	屬潞安府
黎城縣續志	卷之一	地表		七

黎城縣續志卷之一

地理志

疆域

縣治在潞安府東北一百一十里東西廣一百一十

里南北袤一百二十里府志

界址

東至河南彰德府涉縣界黃花峽四十里西至襄

垣縣界營溝口四十里少北至沁州治二百一十

里南至潞城縣界漳河二十里少西至潞城縣治

黎城縣續志 卷之一 地理志 一

六十五里北至遼州界下五村一百里至遼州治

一百八十里東南至潞城縣界石城村九十里西

南至襄垣縣界西峪村五十里至襄垣縣治九十

里東北至河南彰德府涉縣界槐樹坡三十五里

至涉縣治六十里西北至遼州界銅峪嶺一百里

至沁州武鄉縣治一百八十里

道里

東四十里至涉縣響當鋪南二十里至趙店鎮越

漳河至潞城縣潞河鋪西經上桂花五里北馬村

西社村胥十里上遙鎮五里又十里至襄垣縣營
溝口此孔道而吾兒峪乃天險也東經任莊二里
陳村五里巖井村十五里又八里至涉縣界黃花
東南由趙店經路堡五里王曲村十里又五十里
至舊平順縣西由北馬村經郎莊十里渠村二十
里石板村十里又十里至武鄉縣三角村西北經
古縣十里洪井村曹莊原泉村胥十五里石背底
十里清泉村二十里又十五里至遼州雲頭底北
由曹莊經桑魯村二十里西井鎮五里南陌鎮二
十里又十里至遼州防相村此山徑也
案乾隆二十九年裁平順縣以原割縣東南之五
里還縣故府志疆域與舊志小異而所載界址亦
較舊志爲明晰爰並錄之而附以道路

城池兵防附

縣城乾隆二十六年知縣李健問請帑重修道光十八年知縣陳金鑑再修

康熙五十八年添設外委把總一員駐縣城

守兵十名分防東陽關五名下陽灣二名

同治元年新設東陽營

守備一員駐東陽關堡

把總一員駐南寨溝

外委把總一員駐西石坡

黎城縣續志

卷之一

城池

三

馬兵三十名步兵九十名守兵一百八十名

例馬七匹營馬三十匹

歲支俸餉銀五千五十兩八錢四分兵米一千四

十三石

歲支馬乾銀一百九十九兩五錢三分豆二百一

石八斗草一萬三千三百二十束

本營火藥局一處

礮臺十三座

王侯嶺四座小口村二座秋樹園二座響當廟二

座下陽灣二座長凝村一座

同治五年捻逆竄擾豫直二省大同營都司郝步垣奉調駐東陽關協防宋家莊偏城鎮諸村並添派守兵七年六月撤防歸伍

山川

崆峒山在五美里羊羔村金進士王大用龍祥觀記云王曲村道士張可用隱崆峒山谷之石室山舊乏水倏石坻泉流清冷味甘汲之不竭不溢病者飲之輒愈

侯壁山在五美里侯壁村山多壁立

龍耳山在五美里新豐村山形似龍兩峯似耳

赤壁山在五美里赤壁村南石崖夾澗高五丈有奇

漳水至此急流落澗聲吼若雷氣騰若霧浪噴若珠

黎城縣續志

卷之一

山川

五

清漳水在縣東北故壺口關北源出樂平縣大要谷自遼州之雲頭底入境東至武渡入涉縣界

濁漳水在縣西南由襄垣入境東南流至河西村之北渠村之南又十餘里至大士村又十里至上遙鎮北小河水自北來注之又五里至西柏峪南東社之北又五里至北馬村南又三里至蘄曲村南折而東流五里至西水洋南又五里至趙店鎮南黃湏水自北來注之又八里至路堡村南又五里至北流村南又五里至南堡村南又十里至王曲村南又五里至

王曲灣南又十五里至安樂村北又二十里至歇車
村又五里至車黨村之北又三里至羊羔村南又十
餘里至石城村入潞城縣界旋入涉縣界

溫泉在五美里安樂村漳水滌泗處高崖深潭名大
海小海其水隆冬不凍南流入漳河

東曰平賢鄉共三十六村 距城里數註各村下

件橋村 三里 北泉寨 二里 七里店 五里 仁莊村 二里

停河舖 十里 子 鎮 十五里 棗 鎮 二十里 棗 畔 二十里

東黃須 十五里 西黃須 十五里 東長垣 二十里 西長垣 二十里

黎城縣續志 卷之一 山川 六

東陽關 二十里 善業村 二十里 辛 村 二十里 長凝村 三十里

王侯嶺 二十五里 小口村 三十里 楊家灣 四十里 下灣村 四十里

香爐岐 三十里 馬家峪 四十里 秋樹園 四十里 龍王廟 四十里

東字莊 七十里 西字莊 七十里 東鹿頭 一百一十里 西鹿頭 一百一十里

東安居 九十里 西安居 九十里 偏城鎮 一百一十里 壯口村 一百一十里

板峪村 一百一十里 符山窰 一百一十里 木口村 七十里 郭莊村 一百一十里

案縣東秋樹園東界涉縣越峪子村索堡鎮至東

西字莊復入縣界共有村莊十二俗統稱東山溝

西曰隴阜鄉共四十二村 距城里數註各村下

下趙堦 五里 古縣村 八里 城西村 八里 港北村 八里

麥倉村 五里 西河寨 一里 下桂花 三里 上桂花 五里

李莊村 八里 上莊村 八里 南信村 二十里 北信村 二十里

前白雲 二十里 後白雲 二十里 窰頭村 二十里 烟子村 二十里

鴿子岐 三十里 孟家莊 二十里 北馬村 十五里 靳曲村 十五里

東社村 二十里 正社村 二十里 西社村 二十里 上遙鎮 三十里

東柏峪 二十里 西柏峪 二十里 郎莊村 三十里 大士村 五十里

古寺頭 七十里 鶯裡村 四十里 渠村 五十里 河西村 五十里

西下莊 七十里 石板村 六十里 平頭村 七十里 前莊村 四十里

黎城縣續志

卷之十一 山川

後莊村 五十里 中莊村 四十里 行曹村 四十里 蘭溝村 九十里

賢坊村 五十里 城南村 八里

南日漳源鄉共七十二村 距城里數註各村下

土嶺村 一里 西仵村 十里 東仵村 十里 趙店鎮 十五里

東旺村 五里 南橋溝 二里 北橋溝 一里 東窪村 五里

西窪村 五里 青南村 六里 陳村 五里 董北村 五里

上村 五里 下村 三里 望壁村 五里 上臺壁 十里

下臺壁 八里 中街 五里 喬家莊 八里 賽裡村 十里

正川村 五里 坑東村 五里 坑西村 七里 坑南村 八里

南村八里 東水洋十五里 西水洋十八里 隔道村十五里

路堡村二十里 隆旺村十八里 壁流村二十五里 南堡村三十里

風子駝二十五里 范家莊十五里 程家山十五里 段家莊二十里

顧家莊二十里 張家山二十里 宋家莊四十里 沿井村二十里

墳岐村二十五里 榆樹平三十里 下莊四十里 暴家腳二十五里

好地港二十五里 橫綾河十五里 西坡村三十里 俱係五美里

水峪村三十里 王蘭村四十里 灣裡村四十里 馬家山四十里

棚頭村六十里 新豐村七十里 靳家園五十里 安樂村六十里

赤壁村八十里 烟駝村八十里 侯家灘五十里 窑子坡六十里

輿治村七十里 羊羔村八十里 就車村六十里 行堂村六十里

公果村七十里 色卜口六十里 後壁村一百里 崔家拐七十里

南莊村七十里 回元頭七十里 榔樹園八十里 東平莊八十里

任家莊八十里 車黨村八十里

案五美里舊割入平順縣乾隆中縣廢仍改歸其

地在漳河北者十六村 王曲村灣裡村新豐村西

村靳家園羊羔村烟駝村公果村 在漳河南者十

村赤壁村色卜口窰坡後家灘行堂 莊惟就車

居河兩岸土人別俗南北就車諸村俗統稱南河

漕

北日委泉鄉共五十三村 距城里數註各村下

白坊村 二里 上趙埡 五里 靳家街 十里 西宋村 十里

石羊墳 十里 大停河 十里 小停河 十里 霞莊 十里

元村 十里 蘇村 十里 莊頭村 十里 李堡村 十里

北社村 十里 洪井村 二十里 洪河村 二十里 吳家峻 二十里

橫嶺村 二十里 石橋背 三十里 長畛背 三十里 曹莊村 四十里

王家莊 四十里 百官莊 三十里 車園村 五十里 高石河 二十里

椰坡村 三十里 東路駝 四十里 西路駝 四十里 郭家莊 四十里

黎城縣續志 卷之一 山川 九

前賈嶺 四十里 後賈嶺 四十里 原泉村 六十里 原莊村 六十里

寺底村 六十里 河南村 六十里 五十畝 六十里 石背底 七十里

南委泉 六十里 北委泉 六十里 南桑魯 七十里 北桑魯 七十里

東井村 七十里 西井鎮 七十里 下寨 六十里 彭莊 八十里

白寺峻 八十里 南陌村 八十里 北陌村 八十里 上青泉 七十里

下青泉 七十里 看後村 八十里 嶺頭村 七十里 赤峪村 七十里

小寨村 一百里

古蹟墳墓園林附

錯鑿溝在五美里與沿村西相傳繇治水欲濬漳河
南流山勢相逆水不能下禹改渠導東漳流始通鑿
痕今存見平順縣志

雙射泉在五美里就車村相傳唐太宗征竇建德至
此缺水太宗連發二矢拔箭水出見平順縣志

墳墓

金劉進士墓在侯壁里榔樹園山傍有碑

忠烈李養裕墓在縣東繡屏山下之曲池距城三十

黎城縣續志

卷之一

古蹟

十

里

濟南府通判李芳黃墓在繡屏山下舊阡距城三十
里御史李時謙撰墓表大學士陳廷敬題石

穎州州同前建德縣知縣李瑛黃墓在縣東鳳凰山
下之二橋距城三十五里

緇州知州李涵墓在縣東繡屏山下之上池距城三
十里

安化縣知縣王發祥墓在縣西八里城南堽
靖安縣知縣王端墓在城北里許之大坦堽

大名府知府靳榮藩墓在縣西九龍山下舊阡距城十里

荊州府通判王堯臣墓在縣西城南坑

長葛縣知縣何雲輝墓在縣東繡屏山之大家背距城三十里

廣東守備前藍翎侍衛李永祥墓在縣東陳村坑距城八里

廣東鹽運使王發越墓在縣北之牛居野距城六十里

黎城縣續志

卷之二

古蹟

十一

安鄉縣知縣郭維新墓在縣北橫嶺野距城二十里
烈婦趙孺人墓在縣東繡屏山下之葦峪距城二十五里李濂撰墓表

園林

磊園在長凝村李甲黃構

六松園在下桂花村高步蟾構

後樂園在麥倉村靳尙端構

政事志

戶口

實在土著民人一萬六千三百二戶九萬九千二百九十口

黎城縣續志

卷之二

戶口

十三

田賦鹽法附

民田康熙十六年編審定額實在共地二千六百一十七頃六十三畝八分一釐一毫各徵不等共徵折色並加增馬草絲絹程課共銀一萬四千三百七十四兩一錢二分二釐八毫零

乾隆二十九年裁汰平順縣併歸本縣民田共地一百七十六頃七畝九分一釐二毫零各徵不等共徵折色並加增馬草絲絹租課共銀九百一十四兩六錢八分四釐一毫零

黎城縣續志

卷之一

田賦

十三

以上共民田二千七百九十三頃七十一畝七分二釐三毫零共徵銀一萬五千二百八十八兩六錢七釐

本色米六十五石一斗三升八合四勺

屯田共地九十二頃三十七畝八分五釐隨糧折徵共徵折色銀二百五十五兩二錢四釐

丁賦康熙五十年審定丁冊定爲常額續生人丁永不加賦乾隆三十七年停止編審實在行差人丁一萬六千二百九十一丁共徵均徭並辦買本色顏料

加增銀五千三百三十八兩一錢二分六釐三毫零
乾隆二十九年裁汰平順縣歸併本縣實在行差人
丁一千一百五十四丁共徵均徭並辦買本色顏料
加增銀四百六十八兩八錢三分四釐一毫零

以上共行差人丁一萬七千四百四十五丁應徵
銀五千八百六兩九錢六分四毫零於乾隆十年
歸入地糧徵收銀二千八百八十四兩六錢九分
四毫零隨丁辦納銀二千九百二十二兩二錢七
分於道光三年一併改歸地畝

黎城縣續志

卷之一

田賦

商

實應徵地丁銀二萬一千三百五十九兩九錢七分一
釐四毫零

外徵酒課銀二十一兩二錢又分收平順縣額外
酒課銀三錢

商稅銀十五兩六錢二分六釐

匠價銀二十六兩五錢五分又分收平順縣匠價
銀八錢九分六釐二毫奉文攤入地糧徵收

以上共銀六十四兩五錢七分二釐二毫

統共銀二萬一千四百一十五兩五錢四分三釐零

共本色米六十五石一斗三升八合四勺

實起運銀二萬四百八十九兩九錢三分四釐

地丁銀二萬三百二十六兩二錢六分九釐

戶部顏料銀二十一兩六錢三釐

本色造絹銀十四兩七錢九分三釐

時憲書紙價銀十八兩五錢三分三釐

舉人牌坊銀十三兩

新中舉人花紅等銀二兩五錢

黃絲木櫃銀九兩七錢九分九釐

黎城縣續志

卷之一

田賦

十五

黃蠟價腳銀五錢一分一釐

商稅銀十五兩六錢二分六釐

酒課銀二十一兩五錢

裁汰鄉飲酒禮銀五兩

裁汰節省舖司銀四十兩八錢

實存留銀九百二十五兩六錢九釐

本縣知縣俸薪銀四十五兩

門子二名每名工食銀六兩共銀十二兩

馬快手八名每名工食銀六兩共銀四十八兩

皂隸十六名每名工食銀六兩共銀九十六兩除
裁減銀九兩實該銀八十七兩

轎夫四名每名工食銀六兩共銀二十四兩
傘扇夫三名每名工食銀六兩共銀十八兩
庫子四名每名工食銀六兩共銀二十四兩
斗級四名每名工食銀六兩共銀二十四兩
民壯十六名每名工食銀七兩二錢共銀一百一
十五兩二錢

捕役六名每名工食銀六兩共銀三十六兩

黎城縣志

卷之一

田賦

六

更夫五名每名工食銀六兩共銀三十兩

件作並學習件作二名工食銀九兩

本縣典史俸薪銀三十一兩五錢二分

門子一名工食銀六兩

皂隸四名每名工食銀六兩共銀二十四兩

馬夫一名工食銀六兩

禁卒八名每名工食銀六兩共銀四十八兩

本縣儒學教諭俸薪銀四十兩

廩生二十名每名館糧銀三兩二錢共銀六十四

兩

齋夫三名每名工食銀六兩共銀十八兩

膳夫二名每名工食銀六兩六錢六分六釐五毫
共銀十三兩三錢三分三釐

門斗三名每名工食銀六兩共銀十八兩

文廟春秋二祭銀四十兩

啟聖名宦鄉賢三祠祭祀銀十一兩一錢八分

風雲雷雨山川社稷八蜡等壇祭祀銀二十四兩

邑厲壇祭祀銀十二兩

黎城縣續志

卷之一

田賦

注

雩禮壇祭祀銀三兩

關帝三代祭品銀二十兩八錢三分

文昌祠祭祀銀一十五兩七錢八分

修理學宮銀五錢

朔望行香等銀五兩六錢

孤貧冬衣花布銀四兩七錢二分

舖司兵工食銀二十七兩二錢

迎春神牛酒席銀六錢二分五釐

起送赴考貢生酒席盤纏併考中正貢旂匾花紅

銀十二兩每年銀六兩二年一辦

膳錄書手盤纏銀十五兩每年銀五兩三年一辦

戶部顏科呈文紙張價腳銀八兩一錢二分一釐

歲徵房田稅契銀三兩七錢七分六釐盈餘銀二十

六兩八錢二分四釐畜稅銀八兩二錢二分八釐盈

餘銀十一兩八錢七分二釐又牙稅銀一十二兩共

銀六十二兩七錢並彙解戶部

東陽關關稅咸豐八年設歲由省委員徵收

鹽引咸豐四年改歸官運定額歲銷鹽二十三名二

黎城縣續志 卷之一 田賦 六

十四引每鹽一名納課銀一百二十兩由縣解交河

東道

咸豐四年奉文河東池鹽議改官運官銷責成晉

省行銷解鹽各州縣官自派妥人領運納課由監

掣同知編明各廳州縣額定引鹽票據給領照運

每運先課後鹽不准稍有懸欠運銷價值均聽各

就地方情形酌定不許有抬價短稱以及攙和確

土勒售病民等弊每名一百二十引計鹽三萬筋

應繳課銀一百二十兩銷價銀三兩三錢四分六

釐課項封足買就出場隨時發運鹽運到地行銷

完竣將運照彙繳河東道衙鑿孔註銷查黎邑額銷引鹽二

十三名三十四引每鹽一名納正課銀一百二十

兩錠票銷價元銀三兩三錢四分六釐截角各署

花費元銀二兩九錢銀匠傾課火耗卒工飯食元

銀八錢出場禁門填票扒夫各房抽豐元銀一兩

鹽價紋銀六十兩說合店用保頭紋銀四兩地脚

紋銀十五六兩不等論鋪路之遠近至遠者加銀

三四兩由安邑縣車發洪洞縣之曲亭鎮馱運黎

城脚價辛金店巡工食雜費共銀二百七兩六錢

職官

知縣

王封渫

湖廣黃岡附監生康熙二十五年六月任

宋國楨

正藍旗奉天府漢軍廕生二十八年七月任

董鐸

豐潤歲貢四十年十月任

陳紹堯

廣西全州舉人五十四年三月任

蘇汝衡

趙州舉人五十八年三月任

田楫

湖廣京山舉人雍正元年四月任

郭承宣

山東汶上舉人八年二月任

黎城縣續志

卷之一

職官

二十

丁宏遠

宛平人保舉九年十月任

馬翹

河南宜陽舉人乾隆八年九月任

管餘慶

清苑人乾隆丁巳進士十三年二月任

劉文豹

福建長河舉人

彭學紳

江西奉新舉人十三年七月任

趙冠珪

四川三臺舉人十四年九月任

陳秀士

廣東新會舉人二十一年閏九月任

劉廷然

福建建安舉人二十二年九月任

李鍾問

福建安溪舉人二十六年七月初任四十二年再任

張葉鈺

江蘇元和舉人三十四年十一月任

姚芳遠

江西新昌進士四十五年十二月任

全吾懿

廣西靈州舉人四十八年九月任

呂繩祖

浙江海寧州舉人五十二年七月任

徐天琳

安徽潛山舉人嘉慶二年九月任

姚泰

會稽人

孟調梅

張曾獻

桐城人

王達

宛平籍江蘇人辛酉進士十年十二月任

黎城縣續志

卷之一 職官

五

達興阿

滿洲官學生九年十一月初任十六年八月再任道光五年六月初三任

劉汝舟

河南泌陽舉人嘉慶十二年七月任

邵棻

天津舉人二十三年十二月任

高彤舉

河南鄧州附監生道光元年七月任

周宗泗

四川涪州拔貢六年五月任

周春陽

湖北鍾祥拔貢十三年四月任

朱肇棠

湖南長沙人十二年十二月任

李貞木

進士

王晉階

山東舉人

陳金鑑 浙江新昌進士 十八年六月任

姬泰聚 河南裕州進士 二十一年八月任

郭定生 直隸臨榆舉人 二十五年十一月任

趙敦訓 湖南武陵舉人 二十六年閏五月任

任鏞 直隸遷安舉人 二十八年三月任

鄭奎齡 江西進士 二十八年十一月任

李鍾杰 浙江會稽人 三十年五月任

黃星樞 福建舉人

汪慶恩 湖北江夏監生 咸豐四年五月任

黎城縣續志 卷之一 職官

陸春圻 浙江蕭山監生 五年八月任

吳載颺 順天武清吏員 六年十一月任

常郁文 山東舉人 十年六月任

張懷堃 直隸廣昌舉人 十年七月任

皮家驥 江西舉人 十一年八月任

陳仲貴 直隸清苑附貢生 同治元年四月任

鄭灝 順天大興廩貢生 十三年八月任

徐焮 陝西朝邑拔貢 光緒二年八月任

程以敬 湖南湘鄉舉人 六年四月任

董慶咸 順天籍浙江會稽 監生七年四月任

葛士達 江蘇上海附生 九年六月任

縣丞 康熙四十年 裁缺

王之屏 奉天監生康熙二 十八年九月任

胡鳳瑞 奉天正黃旗官學生三十二年十月 月任四十二年正月裁缺回籍

吾兒峪巡檢司 乾隆二十年 九年裁缺

陳文顯 浙江山陰吏員康熙 二十二年八月任

岳東鎮 山東東平吏員三 十一年正月任

李學成 陝西富平吏員三 十七年四月任

黎城縣續志 卷之一 職官

凌汝洪 天津吏員四十 四年正月任

李茂發 直隸吏員四十 八年五月任

章 振 大興吏員雍正 元年九月任

黃 琪 浙江山陰吏員 五年十月任

張 瀚 宛平吏員十二 年十二月任

劉詹才 江西吉水吏員乾 隆十年五月任

童紹美 大興吏員會稽人 十二年十二月任

傅泰交 大興供事二十 二年九月任

呂于潛 安徽貴池吏員二十四年十二月任二十 九年十二月裁缺移駐潞城縣石城里

興史

賀中學 內邱吏員康熙三十七年七月任

賀文輝 宛本吏員五十五年五月任

施國璜 承德吏員雍正八年五月任

劉登元 陝西扶風吏員九年四月任

徐觀 浙江桐鄉吏員乾隆四年八月任

鄒鉞 江蘇無錫監生二十五年十月任

梁士璋 大興人三十四年八月任

張定國 固安吏員三十八年三月任

黎城縣續志 卷之一 職官

曹廷佩 安徽青陽監生四十七年十月任

魯鵬翻 大興人四十九年五月任

徐一清 大興監生嘉慶年間任

陳景星 浙江山陰監生二十四年三月任

朱廷欽 大興監生道光七年十二月任

魯紹連 浙江會稽人議叙二十年三月任

房心田 欒城監生二十一年十月任

林懋德 山東文登人議叙二十三年四月任

劉必剛 江西吉水監生咸豐三年任

陳 烜 順天涿州吏員

江 鑑 浙江錢塘供事

洪恩錫 四川華陽監生 同治四年任

外委

張景泰 太原府人

劉清良 太原府人

金興世 長治人

劉 林 長治人

陳廷梁 太原府人

黎城縣續志 卷之一 職官 三五

王 陞 解州人

陳 登 平陽府人

李夢熊 長治人

蔣得勝 平陽府人

張鳳梧 平陽府人

郭金榮 平陽府人

馬俊魁 長治人

柴倫高 孟縣人

王康泰 長治人

耿鳳岐

平陽府人

武侯山

平陽府人

鄭福

平陽府人

牟世榮

河間府人

張燕

平陽府人

宋德魁

長治人

王嘉祥

平陽府人

郭華

平陽府人

公署

縣署

雍正三年邑侯田楫重修乾隆四十五年知縣李鍾問重修

學署

雍正十三年教諭王經重修嘉慶六年教諭盧勤重修

督捕廳

在縣治西

城守司

在縣治東即察院故址

常平倉

明萬曆三十四年知縣雷夢澤創建有長治周楷碑記雍正七年知縣田楫增建乾隆

五年知縣丁宏遠重修同治七年知縣陳仲貴重修光緒六年知縣鄭灝領款補修厥九座額設

入千石新增穀二千石共一萬石同治九年電災正賑展賑貧民動用穀三千五百三十六石七

五合光緒三四年稟請平糶放穀三千六百三十石三斗九升四合九勺理民借碾抵解祿米用

黎城縣續志

卷之一

公署

三

一百八石五斗六升四合太義鎮同知借穀五百

石東陽營借穀三百二十石城守司借穀二十五

石五斗歷年給發孤貧口糧穀一千二百一十六

百三斗八合七勺嗣於五年知縣鄭灝買補穀三

千八百一十一石九斗一升四合六勺六年知縣

程以敬買補穀三千九百六十三石一斗一升九

合三勺實存穀八千四百三十八石一斗九升一

台三勺缺額未經買補歷年給發孤貧口糧穀一

千二百一十六石三斗八合七勺東陽營欠借

社倉

知縣張遵約建道光年間知縣陳金鑑重

書院

在縣東北嘉慶三年知縣吳繩創建署知縣

豐八年知縣吳載重修原存地一頃三十九畝

市房三處均在衙前街路西又存銀九百六十四兩六錢五分存錢五千串以上四項生息作為士子膏火

社學 久廢其舊址即
今東陽書院

義學 今廢

黎城縣續志

卷之一

公署

三六

學校 向係小學原定學額八名雍正三年覆准改為中學加額四名現額取進一十二名

文廟 乾隆四十八年知縣姚芳遠教諭劉岷重修道光六年知縣邵棻教諭丁鼎重修並修學宮

明倫堂 嘉慶六年知縣徐天琳重修光緒七年知縣程以敬重修

忠孝節義二祠 在明倫堂左右雍正六年知縣田楫建

聖裔碑 乾隆二十七年為北峪岐孔氏立

教諭 康熙三年裁乾隆十五年復設

吳二相 安邑舉人

馮履泰 代州舉人

徐致中 馬邑拔貢

黎城縣續志 卷之一 學校 三五

晉國佐 襄陵副榜

張鎔 陽曲拔貢

劉岷 夏縣舉人

籍永禧 代州舉人

高如璧 沁源舉人

盧勤 襄陵拔貢

李子政 汾陽恩貢

邢玉棟 定襄舉人

郝大享 介休廩貢

孫祥和 絳州恩貢

丁 昂 靈邱恩貢

冀攀桂 文水舉人

郝汝薰 高平拔貢

余積善 應州舉人

劉爾常 太平舉人

郭深基 榆次舉人

王炳文 榮河拔貢

王錫卣 平遙附貢

李尉堂 崞縣人

尹承綬 平遙附貢

張龍光 靜樂貢生

柴天植 河津廩貢

訓導 乾隆十五年
裁改設教諭

王應慶 趙城歲貢

柴鼎鉉 聞喜歲貢

徐 穎 寧武歲貢

齊峻德 陽曲歲貢

黎城縣續志 卷之一 學校 二十

蘇居仁 夏縣 歲貢

董其弑 解州 歲貢 以上康熙時

張文憲 夏縣 歲貢

閻珉 聞喜 歲貢

王經 萬泉 歲貢

李名選 遼州 歲貢

郭崇 趙城 歲貢

案官師題名宜以類次舊志別載非例姑仍之

祠祀

先農壇 在土嶺村東南雍正六年知縣田楫建

文昌祠 在儒學東本為明太守劉公祠其齋高先生所建也乾隆初年因文昌閣傾頽棲神於祠

之正殿修葺俱高氏力乾隆四十年重修咸豐五年再修

文昌閣 在城垣上 巽方今廢

關帝廟 在河下街康熙二年知縣周尚賢毛如珍重修乾隆三年知縣丁宏遠創建啟聖祠並重修大殿嘉慶十八年縣人高龍飛等重修兩廊

咸豐三年賊焚大門八年知縣吳載颺重修

城隍廟 在北街壯麗為邑中巨觀咸豐三年燬於賊八年知縣吳載颺集眾修復

火神廟 在縣治東北道光元年知縣邵棻創建同治六年知縣陳仲貴重修

黎城縣續志 卷之一 祠祀

奎星樓 在儒學東南乾隆九年知縣馬翹重修嘉慶六年知縣徐天琳教諭盧勤重修

昭澤龍王廟 在縣西北隴阜山或稱馬鞍山廟在洞前內有 欽頒雲恩雨澤匾額山西巡撫

撫一等威毅伯曾國榮書澤被蒼生匾額光緒五年河南彰德府安陽縣知縣祈雨立應敬懸匾額

前捐銀一百一十兩為修葺廟宇之費襄垣知縣因旱禱雨大沛甘霖創建行宮並碑記○池口街

舊祀二郎道光元年增昭澤祠又王曲崇亦有神祠

靈澤龍王廟 在西街咸豐三年為粵逆所焚碑記無考同治九年知縣陳仲貴修內有遺愛

碑存焉

曹莊龍王廟 舊號曹王廟以祀操也乾隆十二年郡守巴陵李公按部毀之改今廟

玉皇廟 在耽

九天聖母廟 在航車里

三聖廟 在池口街 乾隆六十年創修 亭道光二十一年重修

廣生祠 在池口街 嘉慶二十二年縣人李復初重修

大禹廟 在侯壁里 正德年重修 申章撰記

湯王廟 一在東禪南 一在樂頭村

潞子祠 在縣東南十五里 潞子嬰兒祠

李衛公廟 在航車里

崔府君廟 在航車里

甘王廟 在石灰里

黎城縣續志 卷之一 祠祀 三

土地祠 在北街 康熙三十四年知縣宋國楨建 嘉慶

慶二十四年署知縣姚泰前任知縣呂繩祖重修 嘉慶八年知縣陳仲貴建立亭

寺觀

寶泰寺

在故縣村距城八里碑文被風雨剝落模糊
難辨其略云邑人故襄垣郡守郭休建隋開
皇五年然之從子伯珠重修按郭休世封陽曲建
社太原上祖從官遂家此邑其碑額橫書云尙書
省使儀同三司潞州司馬東原郡開國公薛邈因
檢郭建欽王神通等立義門事恭敬侍佛頌曰時
雨潤濛香烟氛馥天長地久春蘭秋菊大殿門額
道光乙巳知縣陳金鑑書寶泰寺三字後跋云寺
有隋開皇間碑石所記乃邑人故襄垣郡守郭休
船九級浮圖迄周兼齊運法象沉淪然之從子伯
珠重建考襄垣為郡始於元魏廢於高齊則斯寺
不特非隋并非周齊為北魏古寺矣宋韓固法堂
記謂寺為隋建賜額
寶泰者特未詳考耳

福勝寺

按李堡村舊有建禪庵金大定三年賜名福
勝院永安丁巳歲昭義節度李晏及諸信士
黎城縣續志 卷之一 寺觀 三四

選村東勝地一處名曰石佛頭將寺移建俗稱新
寺即福勝寺也碑陰詳載寺僧善清移寺情狀並
其德行

宗派

洞子寺

在東關即八蜡廟乾隆二年韓燦等重修後
殿嘉慶十六年王遵祖等重修光緒三年高
宣等
重修

佛頭寺

在侯壁里有
龍泉水洞

元熙寺

在新安里內
有七聖寶塔

龍祥觀

在王曲里金大定元年道士張可用建觀前
水泉時見瑞彩令弟子劉正元奏請賜額進

土王
大用撰記

水陸寺

在侯壁里

大雲寺 在石灰里
龍耳山下

龍門寺 在石
灰里

崇仙觀 在石
城里

黎城縣續志
卷之一
寺觀
三五

紀事

康熙五十年十月黎城民王松養妻冥氏一產三男

道光十四年四月中旬地大震數日乃止

二十四年秋七月有龍見於東關民田間烟焰障天

男婦羣相往觀須臾大雷電忽失所在雲霧中恍見

尾長丈餘蜿蜒上升其盤旋處形迹蓋一畝有餘云

咸豐二年冬上村張某偶行雪中見有片土雪落即

消氣隆隆若蒸也異之因掘其地獲一鐵鑄巨礮聞

於官昇之入城次年粵匪之變用以擊賊蓋兵兆也

黎城縣續志

卷之一

紀事

三

三年正月二十二日黎明天赤映窗如火至午方止

八月二十三日粵匪林鳳翔入境城陷二十四日東

竄入河南涉縣

粵匪偽丞相林鳳翔八月中陷平陽後率眾由岳陽道入路境蹂躪屯留

長子長治各界旋陷潞城警報逼黎二十三日捕掩

至城下知縣李鍾杰偕典史劉必綱守南城賊分隊

攻西門眾駭散南城亦不守賊攀堞蠶擁而入必綱

被傷墜壕鍾杰亦為眾擠仆城下其妻鍾氏女蓉仙

媳任氏及家丁馬凱均罵賊不屈死城中被殺者二

十餘人是夜賊破獄焚城隍廟二十四日天未明即

棄城東竄所至焚掠過東陽關自卯至巳絡繹不絕

遂全隊竄入豫省鍾杰既甦憤甚過道旁其奮身投

入為縣人韓富所救不死事聞與必綱均以禦

賊負傷得未滅其妻女及媳皆賜恤如例

七年七月有蝗自東來食秋禾麥苗知縣吳載颺率

村民撲捕災少減次年春復收買蝻子蝗乃滅

十一年六月鄰境搶匪竄擾設局練勇二百名至同

治八年始撤

同治元年至四年冬狼被傷者甚眾

六年春大旱六月末如雨時池竭泉涸緣山諸村皆

汲水漳河雨後百穀失時農家惟種蕎麥禦饑

七年西陲不靖陳帥國瑞領馬步兵五萬餘從黎城

過知縣陳仲貴供億有方民不知擾

九年秋七月十七日雨雹大如鷄卵威里店等二十

黎城縣續志

卷之一

紀事

三十七

四村秋禾並傷知縣陳仲貴詳請賑恤動用常平倉

穀一千七十八石八斗有奇其各村應完錢糧一千

五百十九兩一錢分別蠲緩

陳令捐廉加賑極貧復籌款散借各村籽種

十一年有以妖術陰截人髮辮者人即癡迷無識慼

慼待斃蓋魂為所攝也其術傳是役紙人為之凡受

害者急以水噴地則髮與紙人立見可無恙或以朱

書斃麒麟院四字佩之邪即遠避不能侵矣

光緒元年冬無雪

二年冬無雪

三年自春徂冬雨澤稀少晉省秋禾未登遂至大禱
縣秋收款薄尙未成災惟四隣荒旱糧價昂貴斗米
千錢貧民買食維艱知縣徐休稟請開倉平糶未終
事去知縣鄭灝繼之先後平糶穀二千一百三十餘
石撫卹貧民自秋徂冬雨雪仍缺二麥失種民情益
形困苦輸賦維艱因稟請停徵並將民欠未完錢糧
銀六千九百餘兩米六十五石詳請緩至次年麥熟
後帶徵復同典史洪恩錫督率紳士丁昭李世貞韓
長林李壽椿高世泰王永昌查明各村極貧大小八

黎城縣續志

卷之一

紀事

三

千九百七十七名邀勸商富共捐輸錢一萬八千八
百四十七千又動用地方公項錢一千四百六十串
採買米石設立粥廠遠者散米賑濟明年春間又復
缺雨斗米價至一千八百饑民愈眾復稟請平糶常
平倉穀並緩徵本年上忙錢糧前後動用常平穀三
千二百五十七石二斗延至七月力難爲繼道殣相
望當蒙爵撫部院會撥給漕米一千七百石接濟復
蒙將二次所緩錢糧暨籴米奏奉

諭一律蠲免是年秋收中稔惟西鄉七屯等二十三

村及附城四十五村仍屬歉薄又蒙撥給麥種銀二千兩棉衣二百件散放貧民五年春又撥東漕米一千八百石源源接濟貧民未至失所其地有荒蕪者撥給官馬散給各村馬六十匹匹定價八金其價仍給村民令購買農器爲墾荒資民困始舒

縣人李讓弗順於親適卧病於家有虎每夕咆哮其門而不能入讓死虎乃發冢破棺殘其骸而去

縣人趙如勝少粗讀書暴戾恣睢妻王氏日被笞楚體無完膚至令子溺其口王竟鬱死邑令釋懲以杖黎城縣續志

卷之一 紀事

三五

未蔽厥辜也一日忽口稱爲王所訴赴城隍縣云云受杖三十被夾者三臀脛暴腫以至死云石灰里龍門寺一僧雜寂聽夜被虎啣去見一白髮老人馳至云此人不該死放回次日晡匍匐歸寺身竟無恙



